

## Dárkkistanlávdegoddi

Čoahkkináigi	21.5.2021 dmu 10 – 14:50
Čoahkkinbáiki	Ohcejoga gielddadállu, gielddaráđdehusa latnja
Áššelistu ja ášši paragrafa: 1 § Čoahkkima lágalašvuohta ja mearridanváldi 2 § Čoahkkima ortniidandoaimmat 3 § Gieldda ruhtadoalloloahpaheapmi 2020 ja gielddahoavdda čilgehus áigeguovdilis áššiin oanehaččat 4 § Gieldda háhkamat ja gilvalahttimat 5 § Ruhtadoallodárkkistanfuomášumit ja ruhtadoallodárkkisteaddjiid mitalus 2020 6 § Dárkkistanlávdegotti árvoštallančilgehus 2020 7 § Čanolašvuodaregistara dilli 8 § Eará áššit 9 § Njulgengáibádus ja váidinčujuhus 10 § Čoahkkima loahpaheapmi	
	Čoahkkima dárkkistuvvon beavdegirji, masa lea laktojuvvon váidinčujuhus, dollojuvvo almmolaččat oaidninláhkai
Ságadoalli	Ismo Manninen

Čoahkkináigi	21.5.2021 dmu 10 – 14:50	
Čoahkkinbáiki	Ohcejoga giella, Gielldadállu, gielladaráđđehusa latnja	
Lahtut báikki alde	Fásta lahttu Ismo Manninen, sd. Antti Katekeetta, vsd. Maija Länsman	Persovnnalaš várrelahttu <del>Osmo Roivas</del> Nilla Pieski <del>Ossi Pursiheimo</del>
	Vuokko Tieva-Niittyvuopio, gielladahoavda, § 3 ja 4, dmu 10- Markku Porsanger, vd. giddodathoavda § 4, dmu 11 Hilkka Ojala, čáli, BDO Auditor Oy Esko Aikio, tulka	
Áššit	§:t 1 – 10	
Beavdegirjji vuolláičállin ja nannen	Ságadoalli  Ismo Manninen	Beavdegirjedoalli  Hilkka Ojala
Beavdegirjji dárkkisteapmi	21.5.2021  Antti Katekeetta  Maija Länsman	
Beavdegirjji lea dollojuvvon albmosis	Gielldadállu Virgesajádat Almmuhantávvala dikšu	Vuolláičálus

## ČOAHKKIMA LÁGALAŠVUOHTA JA MEARRIDANVÁLDI

### Dárkkig 1 §

Dárkkistanlávdegotti čoahkkineannudeamis čuvvojuvvojit hálldahus-  
njuolggadusa mearrádušat. Boddema addá ságadoalli ja das galget  
almmuhuvvot čoahkkima áigi ja báiki sihke gieđahallama vuloš áššit.  
Dárkkistanlávdegotti čoahkkine lea mearridanválddálaš, go eanet go  
bealli lahtuin lea báikki alde. Áššis mearriduvvo ságadoalli čilgema  
vuodul.

Hálldahusnjuolggadusa mielde lávdegotti čoahkkimiin lea  
rehketdoalldárkkisteaddjis mieldeorrun- ja hállanvuogiatvuohta.

Gielddaráđdehus ii sáhte mearridit iežas ovddasteaddji lávdegotti  
čoahkkimiidda.

Evttohus

Gávnnavuvvo, ahte čoahkkine lea lágalaččat čoahkkái gohččojuvvon ja  
mearridanválddálaš.

Mearráduš

Gávnnavuvvui, ahte čoahkkine lea lágalaš ja mearridanválddálaš.

**ČOAHKKIMA ORTNIIDANDOAIMMAT**  
Dárkklg 2 §

Čoahkkima ortniidandoaibman leat dárbbaslačča ee. dohkkehit áššelisttá, välljet beavdegirjedoalli ja beavdegirjji dárkkisteaddjiid.

Evttohus Čađahuvvojit čoahkkima ortniidandoaimmat.

Mearrádus Áššelistu dohkkehuvvui, beavdegirjedoallin välljejuvvui Hilikka Ojala, buot lahtut vuolláičállet beavdegirjji.

**GIELDDA RUHTADOALLOLOAHPAHEAPMI 2020 JA GIELDDAHOAVDDA ČILGEHUS  
ÁIGEGUOVDILIS ÁŠŠIIN OANEHAČČAT**

**Dárkkig 3 §**

Gieldda dárkkistanlávdegotti bargun lea árvoštallat jahkásaččat gieldda bušeahtas dohkkehuvvon doaibma- ja ekonomiamihttomeriid ollašuvvama.

Gieldda ruhtadoalloloahpaheapmi ja doaibmačilgehus jagis 2020 doaimmahuvvo lávdegotti lahtuide čoahkkibovdehusa čuovusin.

**Evttohus**

Gullat gielddahoavda Vuokko Tieva-Niittyvuopio geahčastaga gieldda ruhtadoalloloahpaheamis ja áigeguovdilis áššiin.

**Mearrádus**

Dárkkistanlávdegoddi gulai gielddahoavdda čilgehusa ruhtadoalloloahpaheamis, mas mannojuvvui dárkkilit čađa eahpedábálaš áigodat, masa dehálaš oassin laktásii koronaepidemiija.

Hálddahušlaččat lei buorre válmmašvuolta gáiddusbargamii ja gáiddusčoahkkimiidda sihke hálddahušas ja skuvlabirrasis. Korona geažil ii dárbbášan dorvvastit luopmudemiide.

**GIELDDA HÁHKAMAT JA GILVALAHTTIMAT**  
**Dárkkig 4 §**

Dárkkistanlávdegoddi lea mearridan bovdet vd. giddodathoavda Markku Porsangera ja gielddahoavda Vuokko Tieva-Niittyvuopio addit čilgehusa gieldda háhkamiin ja gilvalahttimiin.

Evttohus Dárkkistanlávdegoddi gullá Markku Porsangera ja Vuokko Tieva-Niittyvuopio čilgehused ja ságastallá áššiin, mat bohtet ovdan.

Mearrádus Gielddaráđdehusa 18.9.2018 vuodđudan čuvgehusdoaimma sadjebargojoavku lea mearridan háhkat gieldda mánggadoaimmadáluid/skuvllaid huksenagoarttaid bearráigeahččobálvalused njuolggoháhkamin. Vuosttas bearráigeahččosoahpamuš lea vuolláičállon 13.9.2019 ja nubbi bearráigeahččosoahpamuš 2.7.2020. Dáid bearráigeahččosoahpamušain meroštallon bálvalusat mannet álbmotlaš šielbmáárvvu badjel. Háhkanlága mielde dáid bálvalused livččii galgan gilvalahttit.

Čuvgehusdoaimma sadjebargojoavkkus eai leat háhkanfápmudusat iige das nappo livčče lean vuogatvuolta dahkat gažaldatvuloš mearrádused.

Gielddaráđdehus berre sihkkarastit, ahte šielbmáárvvu badjel manni háhkamiin čuvvojuvvo háhkanláhka ja ahte háhkanmearrádusat dahkkojit rivttes doaimmaorgánain.

**RUHTADOALLODÁRKKISTANFUOMÁŠUMIT JA RUHTADOALLODÁRKKISTEADDJIID  
MUITALUS 2020  
Dárkklg 5 §**

Gieldda ruhtadoallodárkkisteaddji ovdanbukta  
ruhtadoallodárkkistanfuomášumiid ja ruhtadoallodárkkisteaddjiid  
muitalusa jagis 2020.

Evttohus

Dárkkistanlávdegoddi gullá ruhtadoallodárkkisteaddji ovdanbuktojumi ja  
ságastallá ovdan boahtti áššiin ja  
1. merke ruhtadoallodárkkisteaddjiid mitalusa diehtun ja sádde dan ain  
váldostivrii  
2. evttoha váldostivrii, ahte jagi 2020 ruhtadoaloloahpaheapmi  
dohkkehuvvo  
3. evttoha váldostivrii, ahte gieldda hálddahusa ja ekonomiiija  
dikšon čilgengeatnegasaide mieđihuvvo vástufriiddjavuohta  
ruhtadoallobajis 1.1.-31.12.2020 dainna eavttuin, ahte váldostivra  
dohkkehá dárkkisteami boadusin máinnašuvvon  
bušeahttaspiehkastagaid.

Mearrádus

Dárkkistanlávdegoddi gulai ruhtadoallodárkkisteaddji ovdanbuktojumi ja  
ságastalai ovdan boahtti áššiin ja  
1. merke ruhtadoallodárkkistančilgehusa diehtun ja sádde dan ain  
váldostivrii  
2. evttoha váldostivrii, ahte jagi 2020 ruhtadoaloloahpaheapmi  
dohkkehuvvo  
3. evttoha váldostivrii, ahte gieldda hálddahusa ja ekonomiiija  
dikšon čilgengeatnegasaide mieđihuvvo vástufriiddjavuohta  
ruhtadoallobajis 1.1.-31.12.2020.

**DÁRKKISTANLÁVDEGOTTI ÁRVVOŠTALLANČILGEHUS 2020**  
**Dárkkig 6 §**

Gieldalága 121 § mielde berre dárkkistanlávdegoddi válmmaštallat ruhtadoalldárkkisteami guoski áššiid, maid gielddastivra mearrida, sihke árvoštallat, leatgo váldostivrra ásahan doaima- ja ekonomiijamihhtomearit ollašuvvan.

Evttohus Dárkkistanlávdegoddi gárvvista ja vuolláičállá árvoštallančilgehusa. Lassin dárkkistanlávdegoddi guođđá jagi 2020 árvoštallančilgehusa váldostivrra gieđahallamii.

Mearrádus Dárkkistanlávdegoddi gárvvistii ja vuolláičálii árvoštallančilgehusa. Lassin dárkkistanlávdegoddi guođđá jagi 2020 árvoštallančilgehusa váldostivrii gieđahallanláhka.



**ČANOLAŠVUOĐAREGISTARA DILLI**  
**Dárkklg 7 §**

Gieldalága 84 § mielde gieldda luohttámušolmmoš ja virgeolmmoš galgá dahkat čanolašvuodaalmmuhusa njunušolbmo bargguinis sihke luohttámušdoaimmainis ealáhusdoaimma hárjeheaddji fitnodagain ja eará servošiin, mearkkašahti opmodagastis sihke eará čanolašvuodain, main sáhtá leat mearkkašupmi luohttámuš- ja virgebargguid dikšumis. Geatnegasvuohta almmuhit čanolašvuodain guoská gielddaráđdehusa ja eanageavahan- ja huksenlágas (132/1999) oaivvilduvvon bargguid dikšu doaibmaorgána lahtuid, váldostivrra ja lávdegotti ságadoalli ja várreságadoalliid, gielddahoavdda, bormeaštára ja veahkkebormeaštára sihke gielddaráđdehusa ja lávdegotti áššemeannudeaddji. Almmuhusa galgá dahkat guovtti mánotbaji siste das, go olmmoš lea vállejuvvon bargosis. Čanolašvuodaalmmuhus dahkkojuvvo dárkkistanlávdegoddái, mii bearráigeahččá almmuhangeatnegasvuoda čuovvuma ja doalvu almmuhusaid váldostivrii diehtun. Gelda berre doallat čanolašvuodain registara almmolaš diehtofierpmis, jos čiegusvuoda guoski njuolggadusain ii eará čuovo.

Dárkkistanlávdegoddi berre jahkásaččat dárkkistit čanolašvuodaregistara dili. Čanolašvuodaregisttar buktojuvvo čoahkkimii.

Evttohus

Dárkkistanlávdegoddi dárkkista čanolašvuodaregistara dili ja doalvu dan váldostivrii diehtun.

Mearrádus

Dárkkistanlávdegoddi dárkkistii čanolašvuodaregistara dili ja doalvu dan váldostivrii diehtun.

**EARÁ ÁŠŠIT**  
Dárkklg 8 §

Evttohus

Gieđahallojit eará áššit, mat bohtet čoahkkimis ovdan.

Eará áššit eai lean.

**NJULGENGÁIBÁDUS JA VÁIDINČUJUHUS**  
**Dárkkig 9 §**

Njulgengáibádusrávvagis, mii laktojuvvo beavdegirjái, addojuvvojit dárbblaš rávvagat njulgengáibádusa dahkamii. Váidinčujuhusas, mii laktojuvvo beavdegirjái, galgá máinnašit váidineiseválddi, váidinaiggi ja maid váidingirjái galgá laktit.

Mearrádussii, mas ii oaččo dahkat njulgengáibádusa iige váidaga, galgá laktit dan birra almmuhusa ja seammás máinnašit, man láhka- dahje ásašuoččogái gielddus vuodđuduvvá.

Evttohus Rávvagat njulgengáibádusas, váidinčujuhus sihke nuppástusohcangiellidus laktojuvvojit beavdegirjái.

Mearrádus Evttohusa mielde.

**ČOAHKKIMA LOAHPAHEAPMI**  
Dárkkig 10 §

Ságadoalli loahpahii čoahkkima dmu 14:50.

## Nuppástusohcanrávvagat

Čoahkkinbeaivemearri 21.5.2021

## Njulgengáibádusráva

Mearrádussii duhtameahttun sáhtta dahkat čálalaš njulgengáibádusa.

Njulgengáibádusa oažžu dahkat dat, geasa mearrádus čuohcá dahje gean vuoigatvuhtii, geatnegasvuhtii dahje ovdui mearrádus dalánaga váikkuha (áššáiosolaš) sihke gieldda lahttu.

Válmmaštallamii dahje ollašuhttimii goski mearrádussii ii oaččo ohat njulgema.

Eiseváldi, gosa njulgengáibádus dahkkojuvvo: **Tarkastuslautakunta, Utsjoen kunta, PL 41, 99981 Utsjoki**

Njulgengáibádusa galgá dahkat 14 beaivvi siste mearrádusa dieđu oažžumis. Gieldda lahttu gehččojuvvo ožžon dieđu mearrádusas, go beavdegirji lea biddjojuvvon albmossii. Áššáiosolaš gehččojuvvo ožžon mearrádusas dieđu, juos eará ii čájehuvvo, čieža (7) beaivve geažes reive sáddemis.

Njulgengáibádusas galgá boahit ovdan gáibádus oktan vuođustallamiiguin ja dan galgá dahkki vuolláičállit. Njulgengáibádusa galgá doaimmahit njulgengáibáduseiseváldái ovdal njulgengáibádusáiggi nohkama.

## Váidinčujuhus

Njulgengáibádusa geažil addojuvvon mearrádussii oažžu ohat nuppástusa gielddaváidagiin dušše dat, gii lea dahkan njulgengáibádusa. Jos mearrádus lea njulgengáibádusa geažil rievdan, de oažžu mearrádussii ohat nuppástusa gielddaváidagiin maiddá áššáiosolaš sihke gieldda lahttu.

Váidneiseváldi lea **Pohjois-Suomen hallinto-oikeus, Oulu**

Eará váidneiseváldi: \_\_\_\_\_ paragrafa \_\_\_\_\_

Váidináigi lea golbmalogi (30) beaivvi. Váidináigi álgá mearrádusa diehtunoažžumis.

Váidingirjii galgá almmuhit

- váidi nama, ámmáha, ássangieldda ja poastačujuhusa
- mearrádusa, masa ohcá nuppástusa
- man ráje mearrádusas váidá ja nuppástus, man dasa gáibida dahkat
- nuppástusgáibádusa vuođustusaid

Váidingirjii galgá váidi dahje ráhkadeaddji ieš vuolláičállit. Jos dušše ráhkadeaddji lea vuolláičállán váidingirjii, de das galgá máinnašit maiddá ráhkadeaddji ámmáha, ássangieldda ja poastačujuhusa.

Váidingirjái galgá laktit mearrádusa, mas váidá, álgoálgosažžan dahje virggi beales riektadin duodaštuvvon kopijian sihke duodaštusa dan beaivvis, man rájes váidináiggi berre lohkat.

Váidináššegirjiiid galgá doaimmahit váidinvirgeoapmahažžii ovdal váidináiggi nohkama. ležas ovddasvástádusain váidináššegirjiiid sáhtta sáddet poastta dahje áirasa mielde. Postii váidináššegirjiiid galgá guođit nu áiggil, ahte dat gergat mearrái ovdal váidináiggi nohkama.

Duopmostuoluid ja muhtun eará riektehálddahuseiseváldiid bargguin bearran láhkai mávssuin addojuvvon lága (701/93) 3 § vuođul nuppástusa ohccis berrojuvvo gearretmáksu hálddahusrievttis 90 euro.